

ELEKTRIZITATEA EKOIZTEKO ENERGIA BERRIZTAGARRIEN INSTALAZIOETAN INBERTSIOAK SUSTATZEKO LAGUNTZEN PROGRAMA

OINARRIAK

- 2017. URTEA -

ELEKTRIZITATEA EKOIZTEKO ENERGIA BERRIZTAGARRIEN INSTALAZIOETAN INBERTSIOAK SUSTATZEKO LAGUNTZEN PROGRAMA

1 PROGRAMAREN XEDEA, DESKRIBAPENA ETA DIRU LAGUNTZEN EZAUGARRIAK

1.1 Ekonomiaren Garapen eta Azpiegitura Sailak, Eusko Jaurlaritzaren energia politikaren helburuekin bat etorritik, behar den bultzada publikoaren bidez, honako misio hau gauzatzen laguntzen du: energiaren kontsumoan eraginkortasuna areagotzen, energia sistema lehiakorrago, seguruago eta iraunkorrago lortzen, ingurumen eragina edo inpaktua gutxitzen, kontsumitzeko energia gutxiago erabiltzen eta kanpoko baliabideen mendekotasuna murrizten.

Energia baliabideen urritasunak eta energiaren erabilerak ingurumenean dituen eraginak ekarri dute gero eta kezka handiagoa izatea administrazioaren aldetik zein gizartearen aldetik energia gaiaren inguruan. Beraz, laguntzen programa honen helburu nagusia da Euskal Autonomia Erkidegoko (aurrerantzean "EAE") energiaren kontsumoa murriztea, elektrizitatea ekoizteko energia berriztagarri instalazioen sustapenaren bidez. Hala, energia berriztagarrien parte hartzea areagotuko da. Horretarako, onuradun izan daitezkeen pertsonen eskura jartzen dira zenbait diru baliabide, laguntzen programa honetan dauden energia jarduerak aurrera eramanez izateko.

1.2 Programa honen barruan ematen diren diru laguntzak itzuli beharrik gabeko diru laguntzak dira.

1.3 Laguntza programa hau eta bere aplikazioaren ondorioz ematen diren diru laguntzak bateragarriak diren barne-merkatuarekin, Europar Batasuneko Funtzionamendu Itunaren 107. artikuluan 3. atalean xedatzen denari jarraiki, Itun horren 108. artikuluan adierazten den batzordeari jakinarazi beharretik salbuetsita egonik.

Estatuaren diru laguntza politiken oinarritzko lanabesa da Salbuespen edo Exentzio Erregelamendua, Europar Batzordeak barne-merkatuarekin bateragarriak diren ustezko diru laguntzak identifikatzen dituen neurrian, aldezturik baimena eman beharrik gabe. Era horretan, ustezko diru laguntza horien legezkotasuna soil-soilik Erregelamenduaren eskakizun materialak betetzearen eta izapide edo tramite formal batzuk aurrera eramatearen menpe dago. Salbuespen edo Exentzio Erregelamendua, 2014ko uztailearen 1etik aurrera indarrean dagoenak, jakinarazpen salbuespena xedatzen du hamahiru diru laguntza kategoriarako; gainera, horietako bakoitza baimendutako erregimen kopuru handi batean azpizatitu edo banatzen da. Bereziki, Salbuespen edo Exentzio Erregelamendua eskualde edo erkidego mailako helburua duten diru laguntzak babesten ditu, enpresa txiki eta ertainei (ETE) laguntzak, ETEak finantzaketara iristeko laguntzak, ikerkuntza, garapen eta berrikuntzaren aldeko laguntzak, eta abar.

Laguntza Programa honetan aurreikusten diren diru laguntzak Batzordearen 2014ko ekainaren 26ko UE 651/2014 Erregelamenduaren barruan daude, zenbait diru laguntza mota barne-merkatuarekin bateragarriak jotzen dituenak, Itunaren (DOUE 2014 L 187) 107. eta 108. artikuluen aplikazioaren ondorioz (aurrerantzean **651/2014 Erregelamendua**), jarraian aipatzen diren artikuluen hauen arabera:

41. artikulua: "Iturri berriztagarrietatik datorren energia sustatzeko inbertsioei diru laguntzak".

1.4 Laguntza Programa honen arabera, 651/2014 Erregelamenduaren I. eranskinaren 1. eta 2. artikuluetan xedatzen denez, enpresatzat haxe hartuko da:

"Jarduera ekonomiko bat gauzatzen duen edozein entitate enpresa kontsideratuko da, bere forma juridikoa edozein izanda ere (merkatu jakin batean ondasunak eta zerbitzuak emateko edozein

jarduera dela ulertuta). Bereziki, enpresatzat hartuko dira, gizabanako edo familia bezala, eskuz egindako edo beste edozein jarduera gauzatzen duten entitateak; erregularri jarduera ekonomiko bat gauzatzen duten pertsonen elkarteak eta asoziazioak ere enpresatzat hartuko dira.”

Enpresa txiki-txikien, txikien eta ertainen kategoriaren (ETE) barruan izateko, enpresek honako baldintza hauek bete behar dituzte: 250 langile baino gutxiago izatea eta urteko negozio bolumena 50 milioi eurotik gora ez izatea, edo urteko balantze orokorra 43 milioi eurotik gora ez izatea.

ETE kategorien arabera honako ezaugarriak dituen enpresa hartzen da enpresa txikitzat: 50 langile baino gutxiago izatea eta urteko negozio bolumena edo urteko balantze orokorra 10 milioi eurotik gora ez izatea.

1.5 Laguntza Programa honen arabera, 651/2014 Erregelamenduaren I. eranskinaren 3. artikuluan xedatzen denez, hauxe hartuko da kontuan:

1. «Enpresa autonomo» bat da, baldin eta ezin bada enpresa elkartutzat hartu, 2. atalaren arabera, ezta lotutako enpresatzat ere, 3. atalaren arabera.

2. «Enpresa elkartuak» dira lotutako enpresatzat jo ezin diren enpresa guztiak, 3. atalaren arabera, eta horien artean honako erlazio hau dago: enpresa bakar batek (partaidetzako enpresa) dauka bera bakarrik, edo lotutako enpresa batekin edo gehiagorekin, 3. atalaren arabera, beste enpresa baten (partaidetzako enpresa) kapitalaren edo boto eskubidearen % 25 edo gehiago.

Aurrekoa gorabehera, enpresa batek autonomoaren kalifikazioa izan dezake, enpresa elkarturik gabe, gehieneko muga den % 25 izan edo gainditzen bada ere, baldin eta jarraian aipatzen diren inbertsio kategoriak badira, eta horien artean, banaka edo batera, eta aipatutako enpresaren artean, 3. atalean azaltzen diren erlazioak edo loturak ez badaude.

a) Partaidetzako sozietate publikoak, arrisku kapitalen sozietateak, pertsona fisikoak, edo arrisku kapitalean (inbertsiogile probidentzialak edo business angels delakoa) inbertsioei lotutako jardueraren bat egiten duten pertsona fisikoen taldeak eta burtsan kotizatzen ez duten enpresetan funts propioak inbertitzen dituztenak; beti ere, aipatutako inbertsiogile probidentzialen inbertsioa enpresa berean 1.250.000 euro baino txikiagoa bada.

b) Irabazi asmorik gabeko unibertsitateak edo ikerketa zentroak.

c) Inbertsiogile instituzionalak, eskualde edo erkidegoen garapenerako funtsak barne.

d) Urtean 10 milioi euroko aurrekontua baino txikiagoa eta 5.000 biztanletik behera duten toki agintari autonomoak.

3. «Lotutako enpresak» izango dira, baldin eta haien artean honako erlazioen bat izaten bada:

a) Enpresa batek beste enpresa baten akziodunen edo bazkideen boto eskubideen gehiengoa badu.

b) Enpresa batek beste enpresa baten administrazio, zuzendaritza edo kontrol organoko kide gehienak izendatzeko edo kentzeko eskubidea badu.

c) Enpresa batek beste enpresa batean eragin nagusia edo menderatzailea ezartzeko eskubidea badu, harekin sinatutako kontratu baten ondorioz, edo bigarren enpresaren estatutu-klausularen batek eraginda.

d) Enpresa batek, beste enpresa baten akzioduna edo elkartua, bigarren enpresaren akziodun edo bazkideekin izenpetutako akordio baten bidez, haren akziodunen edo bazkideen boto eskubideen gehiengoa kontrolatzen badu bakarrik.

Eragin nagusirik ez dagoela pentsatuko da, baldin eta 2. ataleko bigarren paragrafoan aipatzen diren inbertsiogileek enpresaren kudeaketan inplikazio zuzenik edo zeharkakorik ez badute, akziodunak diren aldetik, dagozkien eskubideei uko egin gabe.

Enpresek lehen paragrafoan aipatzen diren erlazioetako bat izanez gero, beste enpresa baten edo batzuen bitartez, edo 2. atalean azaltzen diren inbertsiogileekin, lotutako enpresatzat ere hartuko dira.

Era berean, lotutako enpresatzat joko dira, baldin eta aipatutako erlazioaren bat badute pertsona fisiko baten bidez edo elkar hartutako pertsona fisikoen talde baten bitartez, eta enpresa horien jarduna edo zati bat erreferentzia-merkatu berean edo antzeko merkatuetan gauzatzen bada.

«Antzeko merkatu»tzat hauxe hartuko da: beste merkatu baten aurreko edo atzeko posizioan dagoen produktu edo zerbitzu baten merkatua.

4. 2. ataleko bigarren paragrafoan aipatzen diren kasuak izan ezik, enpresa bat ez da ETEtzat joko, baldin eta haren kapitalaren edo boto eskubidearen % 25 edo gehiago, zuzenean edo zeharka, banaka edo batera, erakunde publiko baten edo gehiagoren kontrolpean badaude.

5. Enpresek beren kalifikazioaren inguruko deklarazio bat egiteko aukera izango dute, autonomia, elkartua edo lotutako enpresa den adieraziz; baina 2. artikuluan deskribatzen diren mugei lotutako datuez ere. Kapitalaren banaketa dela eta, zehaztasun handiz ez badago jakiterik noren esku dagoen, deklarazio hori egin dezakete. Horrela bada, fede onez edo onustez egingo du deklarazioa enpresak, presuntzio legitimoz, haren kapitalaren % 25 edo gehiago ez dela beste enpresa baten jabetzakoa, edo haien artean lotutako enpresekin batera daukala. Nolanahi ere, deklarazio horiek ez dute salbuesten Estatu edo Europa mailako araudiek ezartzen dituzten kontrolak eta egiaztapenak egitetik.

1.6 Era berean, Laguntza Programa honen arabera, diru laguntza jasoko duten 651/2014 Erregelamenduaren barruko proiektuek erakutsi beharko dute laguntza programa honek ondorio sustatzaile edo pizgarria duela (651/2014 Erregelamenduaren 6.2 artikulua). Ondorio horietarako, diru laguntzek ondorioa sustatzailetzat hartzeko, kontuan hartu beharko dira baldintza hauek:

- Laguntza programa honi lotutako proiektua edo jarduera hasi aurretik, onuradunak diru laguntza eskatu badu idatziz, eta eskaerak horrek, gutxienez, 651/2014 Erregelamenduaren 6.2 artikuluan xedatutako informazioa badu.
- Enpresa handien kasuan, lehengo paragrafoan adierazitako betekizunaz gain, diru laguntzak ondorio sustatzaile duela kontsideratuko da baldin eta honako egoeraren bat gertatzen bada: (i) proiektuaren edo jardueraren irismena nabarmen areagotzen bada, diru laguntzari esker, edo (ii) onuradunak proiektuan edo jardueran egindako guztizko inbertsioaren zenbatekoa nabarmen areagotzen bada, diru laguntzari esker, edo (iii) proiektua edo jarduera gauzatzeko erritmoan aurreratze nabarmena gertatzen bada.

Beraz, diru laguntza eskaera egin aurretik hasitako proiektuen edo lanen eskabideak ez dira onartuko, eta proiektuen edo lanen hasieratzat joko da 651/2014 Erregelamenduaren 2.(23) artikulua definitzen.

2. ONURADUNAK

2.1 Laguntza Programa honek arautzen dituen diru laguntzen onuradunak hauexek izan daitezke:

- a) Izaera pribatuko pertsona fisiko edo juridiko guztiak eta etxejabeen elkarrekin, baldin eta biomasa erabiltzeko instalazioetan inbertsioak egiten badituzte EAEn. Diru laguntzez baliatzeko jarduerak Laguntza Programa honen 4. oinarrian zehazten dira.
- b) Halaber, udalak, udal mankomunitateak, kuadrillak eta administrazio batzarrak, Laguntza Programa honetako 4. oinarri edo atalean aurreikusten diren jarduerak aurrera eramaten badituzte EAEn.

c) Merkataritza sozietateak, baldin eta beren titulartasuna bere osotasunean EAeko udal batena edo batzuen dena, eta haien helburuak Laguntza Programa honetako 4. atalean jasotzen diren jarduerak gauzatzea ahalbidetzen badu.

2.2 Azaroaren 17ko diru laguntzez diharduen 38/2003 Legearen (aurrerantzean "LGS") 13. artikuluan xedatzen diren eskakizunen arabera eta Euskal Autonomia Erkidegoko Ogasun Orokorraren Antolamendu Printzipioen Legearen Testu Bategina onartzen duen azaroaren 11ko 1/1997 Dekretu Legegilearen (aurrerantzean "1/1997 Dekretu Legegilea") 50. artikuluan xedatutakoarekin bat etorriz, honako pertsona edo entitate hauek izan daitezke onuradunak: diru laguntza emateko eskatzen diren egoeran daudenak, edo oinarri hauetan eta deialdian aurreikusten diren baldintzak betetzen dituztenak.

Pertsonak edo erakundeak, onuraduna izateari begira, debekurik ez dutela justifikatzeko honako era honetan egin daiteke: LGSen 13.7 artikuluan eta 1/1997 Dekretu Legegilearen 50.6 artikuluan aurreikusten diren prozeduren bitartez.

2.3 Pertsona onuraduntzat jotzeko ezinbesteko baldintza izango da, diru laguntza eman aurretik zein diru laguntza emanaz gero egoera edo baldintza horretan jarraitu ahal izateko, zergen eta gizarte segurantzaren inguruko betebeharrak edo ordainketak eguneratuak edukitzea, eta hala badagokio, diru laguntzak itzuli behar izateagatik betebeharren ordainketak ere.

2.4 Laguntzen programa honetatik kanpo geratuko dira Energia Zerbitzu Enpresek (ESE) egingo dituzten diru laguntzen eskaerak, Euskal Autonomia Erkidegoko Herri Administrazioak kontratatutak, horientzako berariazko diru laguntza programa eratu baita 2017. urtean.

2.5 Honako hauek ezin izango dira onuradunak izan:

a) 1/1997 Dekretu Legegilearen 50.5 artikuluan eta LGSen 13.2 artikuluan adierazten diren egoeraren batean dauden eskatzaileak, baita zigortuta daudenak, administratibo edo penalki, diru laguntza edo laguntza publikoak lortzeko aukera galarazita dutenak, edo debekuren bat indarrean dutenak eta horretarako gaitasunik gabe uzten dietenak ere.

b) Eusko Legebiltzarrak onartu zuen Herrialde Pobretuekiko Justizia eta Elkartasunerako Gutuna, abenduaren 28ko 14/2007 Legea betetz, enpresaren helburu sozialen edo jarduketan artean, osorik edo aldeztu, armen ekoizpen merkaturatze eta finantzaketa bada.

c) 651/2014 Erregelamenduaren 1. artikuluan 4a) eta 4c) ataletan xedatzen denari jarraiki:

- Berreskuratzeko agindu baten zain dauden enpresak, aldeztu aurretik Batzordeak emandako erabakiaren ondoren, diru laguntza barne-merkatuarekin legez kanpokoa edo bateraezina adierazten duena.
- Krisian dauden enpresak, krisia jasaten duten enpresak bideratzeko eta birmoldatzeko Estatuko diru laguntzei buruzko EBren jarraibideen arabera.

d) 2007ko martxoaren 22ko 3/2007 Lege Organikoak xedatutakoaren arabera, gizon eta emakumeen arteko benetako berdintasunaren aldekoa, 250 langile baino gehiago dituzten enpresek Berdintasun Planik ez badute.

3. PROGRAMAREN AURREKONTUA ETA ESKABIDEAK AURKEZTEKO EPEA

Programa honi esleitutako diru-saila edo aurrekontua **berrehun eta berrogeita hamar mila (250.000) eurokoa** da; betiere, horretarako Energiaren Euskal Erakundearen (aurrerantzean "EEE") aurrekontuetan ezarritako kredituaren arabera.

EEEren guztizko diru laguntza kantitatea ez da 250.000 eurokoa baino handiagoa izango.

Euskal Herriko Agintaritza Aldizkarian (aurrerantzean “EHAA”) iragarkia argitaratzen den egunaren biharamunean hasiko da eskabideak aurkezteko epea programa honen kontura, eta programari esleitutako diru-saila agortzen denean amaituko da.

Nolanahi ere, aipatutako aurrekontua agortu zein ez agortu, 2017ko irailaren 15ean izango da azken eguna diru laguntza eskabideak aurkezteko.

Epeak zenbatzeari begira, urriaren 1eko 39/2015 Legearen 30. artikuluan xedatutakoa beteko da, Herri Administrazioen Araubide Juridikoa eta Administrazio Prozedura Erkideaz diharduena (aurrerantzean **39/2015 Legea**). Aipatzen diren egunei dagokienez, egun baliodunak dira, eta, beraz, kopuru horretatik larunbatak, igandeak eta jaiegunak kanpoan geratuko dira.

Aurrekontuaren agortzearen berri emango da EHAA n zein Interneteko helbide honetan: <http://www.eve.eus>.

Laguntza Programa honen arabera, diru laguntza eskabide osoak aurkeztuta eta bideratzen egongo diren arren, bazter egingo dira, baldin eta esleitutako aurrekontua amaitzen bada, EEEko zuzendari nagusiak emango duen ebazpenaren bidez.

4. DIRUZ LAGUNDUKO DIREN JARDUERAK ENERGIA BERRIZTAGARRIETAN ELEKTRIZITATEA EKOIZTEKO ETA DIRU LAGUNTZAREN ZENBATEKOA

Elektrizitatea ekoizteko energia berriztagarrien alorreko jarduerak izango dira laguntzen programa honen kontura diruz lagunduko direnak. Jarduera horiek Oinarri hauetako 4. atalean zehazten dira. Jarduera horiek Euskal Autonomia Erkidegoan egingo dira eta honako data hauen artean gauzatu eta fakturatu beharko dira: 2017ko urtarrilaren 1etik 2017ko abenduaren 31ra.

Enpresen kasuan, Oinarri hauetako 4. atalean zehazten diren jarduerak lagunduko dira diruz; onuradunek egingo dituzten jarduera horiek honako data hauen artean gauzatu eta fakturatu beharko dira: Laguntzen Programa honetaz baliatzeko eskabidea aurkezten den egunaz geroztik 2017ko abenduaren 31ra (651/2014 Erregelamendua).

Ezin izango dira baliatu laguntzen programa honetaz, inongo ataletan, baldin eta elektrizitatea ekoizteko energia berriztagarrien instalazioak egitearen kausa, aldez edo osorik, Eraikuntza Kode Teknikoak (aurrerantzean “CTE”) ezarri badu, energia aurrezteari begirako oinarritzko eskakizunak betetzeko, edo eraikuntzari lotutako gainerako kalitate-helburuak betetzeko.

Laguntzen programa honen kontura diruz lagunduko diren jarduerak hauexek baino ez dira izango:

- Sare elektrikotik bakartu edo isolatutako instalazioak; instalazio horiek fotovoltaikoak, eolikoak edo minizentral hidroelektrikoak izan daitezke. Haietan instalatutako potentzia izendatuak ezin du 100 kW baino handiagoa izan (alderantzgailu edo inbertitzaile guztien potentzia, baldin baditu).
- Sare elektrikora konektatutako instalazioak; funtsean autokontsumoa xedea duten instalazio horiek fotovoltaikoak, eolikoak edo minizentral hidroelektrikoak izan daitezke, baldin eta instalatutako potentzia izendatuak 1 MW gainditzen ez badu (inbertitzaile guztien potentzia).

4.1 EGUZKI FOTOVOLTAIKOA, EOLIKOA ETA MINIZENTRAL HIDROELEKTRIKO ISOLATUAK

4.1.1 Aplikazio eremua

Elektrizitatea sortzeko sistemak, fotovoltaiko, eoliko eta hidrauliko kasuetarako, eguzki-erradiazioaren energia, haizearen energia eta uraren energia energia elektriko eraldatzen dutenak, hurrenez hurren. Horretarako, modulu fotovoltaiko, aerosorgailu eta turbina hidraulikoak erabiltzen dira, hurrenez hurren. Saretik isolatutako instalazioak direnez gero,

ekoitziko duten energia elektrikoaren xedea kontsumo zuzena izango da edo metatzeko tarteko sistema baten bidez.

- Sorgailu fotovoltaikoa: modulu fotovoltaikoz, moduluak eusteko eta finkatzeko elementuez, moduluen arteko loturako gailuz eta beste tresna batzuez osatua.
- Aerosorgailua: eusteko eta finkatzeko sistemak barne hartzen dira.
- Turbina hidraulikoa: elementu osagarriak ere barne hartzen dira.
- Metatzea: bateriez, erreguladorez, loturak egiteko elementuez, kable instalazioez, baterien maila adierazteko adierazleez eta beste tresna batzuez osatua.
- Energia elektrikoa egokitzea: bihurtgailu edo alderanzgailuez, koadro elektrikoaz, etengailuez eta babesgarriez, kable instalazioez eta beste tresna batzuez osatua.
- Monitorizazioa: sentsoreez, datuak lortzeko sistemaz, urrutiko komunikazio sistemaz eta beste tresna batzuez osatua.

4.1.2 Erreferentzia kostua eta diru laguntzaren ehunekoa, erreferentzia kostuaren aldean

Instalazio fotovoltaiko isolatuak

Erreferentzia kostua, instalatutako potentzia elektriko izendatu unitateko inbertsio handiena izango dena, eta diru laguntzaren ehunekoa, erreferentzia kostuaren aldean, proiektu mota bakoitzerako hauexek izango dira:

Instalazio mota	Erreferentzia kostua €/Wp (1)	Diru laguntza / Erreferentzia kostua
Instalazio fotovoltaikoa, potentzia instalatua 5 kW-eraino (alderanzgailuak)	5,5	%30
Instalazio fotovoltaikoa, potentzia instalatua 5 kW baino handiagoa (alderanzgailuak); lehen 5 kW-ei dagokienez	5,5	%30
Instalazio fotovoltaikoa, potentzia instalatua 5 kW baino handiagoa (alderanzgailuak); gainerako potentzia, 100 kW-eko mugaraino	1,0	%30

(1) Alderanzgailuak jarriz gero, kalkulatzeko potentzia izendatua, ekipo horiena izango da.

Sorgailu eoliko isolatuak

- Diru laguntza kalkulatzeko potentzia, instalazioaren benetako potentzia izango da. Hori justifikatzeko, kokaguneari eta ekipamenduari dagozkion datu teknikoak aurkeztu beharko dira; zehazki, honako datu hauek aurkeztu beharko dira:
 - Aukeratutako kokaguneari haizearen batez besteko abiadura teorikoa.
 - Aerosorgailu bakoitzaren eta multzoaren biltze eremua.
 - Urtean batez besteko funtzionamendu-ordu teorikoa.

Erreferentzia kostua, instalatutako potentzia elektriko unitateko inbertsio handiena izango dena, eta diru laguntzaren ehunekoa, erreferentzia kostuaren aldean, proiektu mota bakoitzerako hauexek izango dira:

Instalazio mota	Erreferentzia kostua €/W (1)	Diru laguntza / Erreferentzia kostua
Instalazio eolikoa, potentzia instalatua 5 kW-eraino (alderanzgailuak)	11,0	%30
Instalazio eolikoa, potentzia instalatua 5 kW baino handiagoa (alderanzgailuak); lehen 5 kW-ei dagokienez	11,0	%30
Instalazio eolikoa, potentzia instalatua 5 kW baino handiagoa (alderanzgailuak); gainerako potentzia, 100 kW-eko mugaraino	2,0	%30

(1) Alderanzgailuak jarriz gero, kalkulatzeko potentzia izendatua, ekipo horiena izango da.

Turbina minihidrauliko isolatuak

Erreferentzia kostua, instalatutako potentzia elektriko izendatu unitateko inbertsio handiena izango dena, eta diru laguntzaren ehunekoa, erreferentzia kostuaren aldean, proiektu mota bakoitzerako hauexek izango dira:

Instalazio mota	Erreferentzia kostua €/W (1)	Diru laguntza / Erreferentzia kostua
Instalazio minihidraulikoa, potentzia instalatua 5 kW-eraino (alderanzgailuak)	15,0	%30
Instalazio minihidraulikoa, potentzia instalatua 5 kW baino handiagoa (alderanzgailuak); lehen 5 kW-ei dagokienez	15,0	%30
Instalazio minihidraulikoa, potentzia instalatua 5 kW baino handiagoa (alderanzgailuak); gainerako potentzia, 100 kW-eko mugaraino	2,0	%30

(1) Alderanzgailuak jarriz gero, kalkulatzeko potentzia izendatua, ekipo horiena izango da.

4.2 SARE ELEKTRIKORA KONEKTATUTAKO EGUZKI FOTOVOLTAIKOA

4.2.1 Aplikazio eremua

Elektrizitatea sortzeko sistemak, eguzki-erradiazioaren energia energia elektriko eraldatzen dutenak, eta eskari premiaren arabera, autokontsumorako erabiltzen dena edota sare elektrikora bideratzen duena, dagokion konexio-gunearen bidez.

4.2.2 Erreferentzia kostua eta diru laguntzaren ehunekoa, erreferentzia kostuaren aldean

Erreferentzia kostua, instalatutako potentzia elektriko izendatu unitateko inbertsio handiena izango dena, eta diru laguntzaren ehunekoa, erreferentzia kostuaren aldean, proiektu mota bakoitzerako hauexek izango dira:

Instalazio mota	Erreferentzia kostua €/Wp	Diru laguntza / Erreferentzia kostua
Instalazio fotovoltaikoa, potentzia instalatua 5 kW-eraino (alderanzgailuak)	2,5	%30
Instalazio fotovoltaikoa, potentzia instalatua 5 kW baino handiagoa (alderanzgailuak); lehen 5 kW-ei	2,5	%30
Instalazio fotovoltaikoa, potentzia instalatua 5 kW baino handiagoa (alderanzgailuak); gainerako potentzia, 1 MW-eko mugaraino	1,5	%30

4.3 SARE ELEKTRIKORA KONEKTATUTAKO SORGAILU EOLIKOAK

4.3.1 Aplikazio eremua

Elektrizitatea sortzeko sistemak, haizearen energia energia elektriko eraldatzen dutenak, eta eskari premiaren arabera, autokontsumorako erabiltzen dena edota sare elektrikorako bideratzen duena, dagokion konexio-gunearen bidez.

4.3.2 Erreferentzia kostua eta diru laguntzaren ehunekoa, erreferentzia kostuaren aldean

- Diru laguntza kalkulatzeko potentzia, instalazioaren benetako potentzia izango da. Hori justifikatzeko, kokaguneari eta ekipamenduari dagokion datu teknikoak aurkeztu beharko dira; zehazki, honako datu hauek aurkeztu beharko dira:
 - Aukeratutako kokagunean haizearen batez besteko abiadura teorikoa.
 - Aerosorgailu bakoitzaren eta multzoaren biltze eremua.
 - Urtean batez besteko funtzionamendu-ordu teorikoa.

Erreferentzia kostua, instalatutako potentzia elektriko izendatu unitateko inbertsio handiena izango dena, eta diru laguntzaren ehunekoa, erreferentzia kostuaren aldean, proiektu mota bakoitzerako hauexek izango dira:

Instalazio mota	Erreferentzia kostua €/W	Diru laguntza / Erreferentzia kostua
Instalazio eolikoa, potentzia instalatua 5 kW-eraino (alderanzgailuak)	3,5	%30
Instalazio eolikoa, potentzia instalatua 5 kW baino handiagoa (alderanzgailuak); lehen 5 kW-ei dagokienez	3,5	%30
Instalazio eolikoa, potentzia instalatua 5 kW baino handiagoa (alderanzgailuak); gainerako potentzia, 1 MW-eko mugaraino	2,0	%30

4.4 MINIZENTRAL HIDROELEKTRIKOAK

4.4.1 Aplikazio eremua

Elektrizitatea sortzeko sistemak, uraren energia energia elektriko eraldatzen dutenak, eta eskari premiaren arabera, autokontsumorako erabiltzen dena edota sare elektrikorako bideratzen duena, dagokion konexio-gunearen bidez.

4.4.2 Erreferentzia kostua eta diru laguntzaren ehunekoa, erreferentzia kostuaren aldean

Erreferentzia kostua, instalatutako potentzia elektriko izendatu unitateko inbertsio handiena izango dena, eta diru laguntzaren ehunekoa, erreferentzia kostuaren aldean, proiektu mota bakoitzerako hauek izango dira:

Instalazio mota	Erreferentzia kostua €/W	Diru laguntza / Erreferentzia kostua
Instalazio minihidraulikoa, potentzia instalatua 5 kW-eraino (alderanzgailuak)	3,0	%30
Instalazio minihidraulikoa, potentzia instalatua 5 kW baino handiagoa (alderanzgailuak); lehen 5 kW-ei dagokienez	3,0	%30
Instalazio minihidraulikoa, potentzia instalatua 5 kW baino handiagoa (alderanzgailuak); gainerako potentzia, 1 MW-eko mugaraino	1,7	%30

5. KOSTU LAGUNGARRIA

5.1 DIRUZ LAGUNDUKO DIREN ASPEKTUAK

1. Eskatzailea enpresatzat hartzeko ez den kasuan

Kostu lagungarritzat hauxe hartuko da: egin behar den inbertsioa, aurreikusitako energia helburuak lortzeko ezinbestekoa dena.

2. Eskatzailea enpresatzat hartzeko den kasuan

- **4. Oinarriko 4.1etik 4.4ra ataletan** aurreikusten diren diru laguntzei dagokienez, laguntza programa honen arabera, energia iturri berriztagarrietatik datorren energiaren ekoizpena sustatzeko behar diren inbertsio-kostu gehigarriak izango dira kostu lagungarriak. Kostu horiek era honetan kalkulatu dira:
 - Energia iturri berriztagarrietatik datorren energiaren ekoizpenean egindako inbertsio-kostuak inbertsio bereizi gisa identifikatu ahal direnean guztizko inbertsio-kostuetan, adibidez, erraz identifika daitekeen osagai erantsiren bat egungo instalazio batean jartzeko, energia iturri berriztagarrietatik datorren energiari lotutako kostu horiek diruz lagunduko dira.
 - Energia iturri berriztagarrietatik datorren energiaren ekoizpenean egindako inbertsio-kostuak antzeko inbertsio baten erreferentzia hartuta identifikatu ahal direnean, ingurumena gutxiago errespetatzen badu ere, modu sinesgarrian diru laguntzarik gabe egin zitekeena, bi inbertsio horien arteko kostuen aldeak zehaztuko du energia iturri berriztagarrietatik datorren energiari lotutako kostua, eta diruz lagunduko den kostua edo kostu lagungarria izango da.
 - Tamaina txikiko zenbait instalazioren kasuan, ingurumena gutxiago errespetatzen duen inbertsioa zehazteko modurik ez badago, tamaina mugatua duten instalazio ezagatik, ingurumen babes maila handiagoa lortzeko egindako inbertsioaren guztizko kostuak izango dira kostu lagungarriak.

Energia eraginkortasun maila areagotzeari zuzenki lotuta ez dauden kostuak ez dira diruz lagunduko.

3. Kontuan hartu beharreko beste aspektu batzuk

Interesdunaren izaera juridikoa gorabehera, jarraian aipatzen diren aspektu hauek kontuan hartu beharko dira:

- Energia berriztagarrietan egindako inbertsioei dagokienez, material eta eskulanari lotutako sail ekonomiko osoa zuzenean esleitu behar zaio energia iturri berriztagarriak aprobetxatzeko instalazioari, eta ez energia ez berriztagarriak erabiltzen dituzten beste teknologia batzuk erabiltzeagatik (energia konbentzionalen bidez funtzionatzen duten energia instalazioak).

5.2 KOSTU LAGUNGARRIAREN BARRUAN SARTUKO EZ DIREN JARDUERAK

- Fakturatutako ondasunak edo zerbitzuak eskuratzeko ordaindu den BEZa, eta, oro har, zergak.
- Inbertsioaren ondorioz eragindako finantza-gastuak, pertsonal propioari dagozkionak eta lurrak erosteko gastuak.
- Ekipo erabiliak eskuratzeko inbertsioak.
- Honako hauek erosteko inbertsioak: makineria autopropulsatua, ibilgailuak, bizikletak eta, oro har, salgaiak eta bidaiariak garraiatzeko garraiobideak.
- Ekipoak eta instalazioak konpondu, egokitu eta mantentzeko inbertsioak.
- Obra zibilean egindako gastutzat har daitekeen sail ekonomikoa.
- Eta, orokorrean, behar bezala zehaztu eta definitu gabeko gastu guztiak, edo inbertsioaren energia helburuak lortzea xede zuzena ez duten gastuak.

6. DIRU LAGUNTZEI EGINGO ZAIZKIEN MUGAKETA OROKORRAK

6.1 Diru laguntzen zenbatekoaren muga

Laguntzen programa honen kontura gauzatuko diren jardueretan, onuradun bakar batek jaso dezakeen gehieneko diru laguntza **berrogei mila (40.000) eurokoa** izango da, eta ez du inola ere gaindituko proiektu mota bakoitzerako ezarritako ehunekoa, oinarri hauetako 4. atalean azaltzen direnak. Nolanahi ere, diru laguntzaren zenbatekoak ezin izango du kostu lagungarriaren %30 gainditu.

Egungo instalazioak handitzeko bada diru laguntzaren jarduera, aurreko hiru (3) urtean (2014, 2015 eta 2016) honelako laguntzen programaren batek diruz lagundu izan badira, honako honek ematen dituen diru laguntzez baliu daiteke honako ezaugarriak betetzen badituzte: egungo instalazioen potentzia instalatuaren edo hartzeko azaleraren handitzea %40 baino handiagoa badakarte, kasuan kasu.

6.2 Beste laguntza batzuekiko bateragarritasun erregimena

Dokumentu honetan jasotzen den xede bera izanik, beste erakunde edo elkarte publiko zein pribatu batzuek emandako diru laguntzak bateragarriak izango dira programa honetan ematen direnekin, baldin eta diru laguntza guztiak batera kostu lagungarriaren ehunekoa jarraian aipatzen direnak edo txikiagoak badira:

a) Enpresatzat jotzen diren eskatzaileak, 651/2014 Erregelamenduaren arabera:

- **4. Oinarrian** zehazten diren jarduerak aurrera eramateko, kostu lagungarriaren %45; salbuespena enpresa txikiak eta ertainak izango dira, horien kasuan %65 eta %55 izango baita, hurrenez hurren, honako ezaugarri hauek betetzen badituzte: (i) energia iturri berriztagarrietatik datorren energiaren ekoizpenean egindako inbertsio-kostuak inbertsio bereizi gisa identifikatu ahal direnean guztizko inbertsio-kostuetan, adibidez, erraz identifika daitekeen osagai erantsiren bat egungo instalazio batean jartzeko, edo (ii) energia iturri berriztagarrietatik datorren energiaren ekoizpenean egindako inbertsio-kostuak antzeko inbertsio baten erreferentzia hartuta identifikatu ahal direnean, ingurumena gutxiago errespetatzen badu ere, modu sinesgarrian diru laguntzarik gabe egin zitekeena, bi

inbertsio horien arteko kostuen aldeak zehaztuko du energia iturri berriztagarrietatik datorren energiari lotutako kostua (651/2014 Erregelamenduaren 41. artikulua).

- **4. Oinarrian** zehazten diren jarduerak aurrera eramateko, kostu lagungarriaren %30; salbuespena enpresa txikiak eta ertainak izango dira, horien kasuan %50 eta %40 izango baita, hurrenez hurren. Tamaina txikiko zenbait instalazioen inbertsio proiektuen kasuan, ingurumena gutxiago errespetatzen duen inbertsioa ezartzeko modurik ez badago, tamaina mugatua duten instalazio ezagatik, ingurumen babes maila handiagoa lortzeko egindako inbertsioaren guztizko kostuak izango dira kostu lagungarriak (651/2014 Erregelamenduaren 41. artikulua).

b) Diru laguntzaren eskatzaileak enpresatzat hartzeko eskakizunak betetzen ez baditu, 651/2014 Erregelamenduak xedatutakoari jarraiki, honako konkurrentzia-muga hauek izango dituzte:

- %65 kasu guztietarako; diru laguntzen onuradunak udalak eta udal elkarteak (mankomunitateak, kuadrillak eta administrazio batzarrak) direnean izan ezik.
- %80 (BEZik gabe) udalak eta udal elkarteak (mankomunitateak, kuadrillak eta administrazio batzarrak) direnean.

Beste erakunde batzuek emandako diru laguntzak gauzatzen badira EEE Energiaren Euskal Erakundeak emandako diru laguntzaren ebazpenaren ondoren, diru laguntzaren minorizazioaren zenbatekoa ebazpen baten bidez zehaztuko da, diru laguntza ordaindu aurretik emango dena.

6.3 Diruz lagunduko diren jardueren kontratazioa edo azpikontratazioa hirugarrenekin

a) LGSen 29. artikuluan xedatutakoarekin bat etorritik, onuradun batek azpikontratatzeko duela ulertuko da honako egoera hau gertatuz gero: diru laguntzaren xedea den jardueraren zati baten edo jarduera osoaren gauzapena hirugarren batekin hitzartzen badu. Diruz lagunduko den jarduera aurrera eramateko onuradunak berak egingo dituen gastuen kontratazioa kontzeptu horretatik kanpo geratuko da.

Nolanahi ere, hirugarrenen kontratazioa edo azpikontratazioa diruz lagunduko den jardueraren zenbatekoaren %100 izan daiteke; diruz lagunduko diren jardueren kontratazio edo azpikontratazioaren aplikazioari dagokionez, goraxeago aipatutako 29. artikuluan xedatutakoa beteko da.

b) Diru Laguntzei buruzko Lege Orokorraren 31.3 artikuluan xedatutakoa betetz, urriaren 30eko Sektore Publikoaren Kontratuen 30/2007 Legean (**gaur egun TRSPKL** edo TRLCSP) ezarritako zenbatekoak gainditzen badituzte gastu lagungarriaren zenbatekoek, kontratu txikiari dagokionez, onuradunak gutxienez hiru eskaintza eskatu beharko zaizkie hornitzaile ezberdinei, obrarako konpromisoaren kontratazioa gauzatu, zerbitzua egin edo ondasuna eman aurretik, salbu eta, haren ezaugarri bereziengatik, merkatuan nahiko erakunderik ez baldin bada gauzatu, zerbitzu egin edo hornitzeko, edo salbu eta gastua egiten baldin bada diru laguntza eman baino lehen (salbuespena, azken kasu honetan, 651/2014 Erregelamenduaren mende dauden enpresei begira).

Aurkeztuko diren eskaintzen arteko aukeraketa, justifikazioan aurkeztu beharko direnak, edo hala badagokio, diru laguntza eskarian, eraginkortasun eta ekonomia irizpideak kontuan hartuta egingo da, eta ekonomikoki proposamen abantailatsuen aukeratu ezean, berariaz justifikatu beharko da.

7. DIRU LAGUNTZA ESKATZEKO HELBIDEA

Eskabideak Oinarri hauetako 3. atalean aipatutako epean aurkeztu beharko dira EEEren bulegoan, edo posta zertifikatuaz, honako helbide honetan:

EEE – Energiaren Euskal Erakundea
5020 Posta Kutxa
Bizkaia plaza eraikina
Urkixo zumarkalea, 36. 1. solairua
48011 Bilbo

Honako erreferentzia adieraziz: **EKOIZPEN ELEKTRIKO BERRIZTAGARRIA 2017.**

8. DIRU LAGUNTZAREN ESKABIDEAREN KUDEAKETA ETA PROZEDURA

Diru laguntza pertsona interesatuak eska dezake zuzenean, edo haren legezko ordezkariak; hala ere, azken hau ezin izango da diru laguntzaren onuraduna izan inoiz.

Eskatzaileak jarduera bera egingo badu zenbait tokitan, eskabide espezifikoko bat egin beharko du kokaleku bakoitzeko.

Diru laguntzaren eskabidea eta berarekin batera bidali behar den dokumentazio tekniko-administratiboa, aplikazio informatikoaren bidez bidali behar da, 7. oinarrian edo atalean azaltzen da. Horrekin batera, 3. atalean adierazten den epearen barruan aurkeztuko da.

Zehazki, eskatzaileak aurkeztu beharreko dokumentazioa hauxe da:

- a. **I.1 eranskina. 2017ko diru laguntza eskabidea.** Eskatzailearen datuak, behar bezala adierazita.
- b. **I.2 eranskina. 2017ko diru laguntza eskabidea.** Dokumentazio administratiboa. Atal honen barruan, honako agiri hauek aurkeztu beharko dira:
 - Sinatzailearen NANaren kopia (legezko ordezkaria).
 - IFKaren kopia.
 - Ahalduentzako eskrituraren kopia edo ordezkatzeko dokumentu justifikagarria.
 - Eskrituraren, estatutuen edo eratzeko ekitaldiaren kopia (enpresak).
 - Kontu korrontearen IBAN-a egiaztatze banketxearen ziurtagiria, haren titularrak onuraduna izan beharko da. Laguntzen Programa honek eskatzen dituen baldintza guztiak betez gero, kontu horretan sartu edo ordainduko da diru laguntza.
 - Foru Ogasunean dagozkion ordainketak eginak dituela egiaztatzen duen egiaztapen eguneratua.
 - Gizarte Segurantzaren dagozkion ordainketak eginak dituela egiaztatzen duen egiaztapen eguneratua.
 - **Ondorio pizgarria** betetzearen inguruko **justifikazioaren dokumentua**, 651/2014 Erregelamenduaren 6.2 artikuluan eskatzen den bezala, (**enpresa handiak** bakarrik).
- c. **II. eranskina.** Aurkeztu duen proiektu bera egiteko, beste administrazio edo erakunde publiko edo pribatu bati eskatutako edota emandako beste diru laguntzei buruzko deklarazioa eskaeraren egunean. Dokumentu hori bete edo aurkeztu beharrekoa da, eskatutako edota emandako beste diru laguntzarik ez badago ere.

Beste erakunde batzuek emandako beste diru laguntzei buruzko ebazpen positiboa(k) eduki baldin bad(it)u, haien kopiak aurkeztu beharko dira.
- d. **III. eranskina.** Eskatzaileak arauak betetzen dituela egiaztatzen duen ardura-deklarazioa justifikazioaren egunean.
- e. **IV. eranskina.** Enpresatzat hartzeko adierazpena, 651/2014 Erregelamenduaren ondorioetarako (enpresak bakarrik).
- f. **V. eranskina.** Dokumentazio teknikoa, eta bertan honako dokumentu hauek azaldu behar dira:
 - Elektrizitatea ekoizteko energia berriztagarrien bidezko instalazio berriaren proiektuaren laburpen memoria tekniko-ekonomikoa, proiektuaren hasiera eta amaiera egunak adieraziz.

- Instalazioak jartzeko eskatzen den diru laguntza eskabidea, gaur egun indarrean dagoen CTEn xedatutakoaren arabera beharrezkoak direnak, dokumentazio justifikagarria aurkeztu beharko da, aipatutako kodea ez zaiola aplikagarria egiaztatzeko.
- Energia sortzeko ekipoaren fabrikatzailearen zehaztapen teknikoak (fabrikatzaileak emandako dokumentazio teknikoaren kopia).
- Inbertsioa energia zerbitzu enpresa (ESE) baten bidez egin duten eskatzaileen kasuan bakarrik:
 - ✓ Eskatzailearen eta azken bezeroaren artean sinatutako kontratuaren kopia, energía zerbitzuak emateari begira. Bertan, besteak beste, hauxe azalduko da: inbertsioak eta itzulkina edo erretornua, energia zerbitzuen prezioa, eta energía zerbitzu enpresen (ESE) nahitaezko inbertsioen eta borondatezko inbertsioen arteko bereiztea.
 - ✓ Aipatutako kontratu horretan, ESEren eta azken bezeroaren artean sinatua, zerbitzuaren prezioen murrizketaren zenbatekoa azaldu ezean, eskatzaileak EEEren aldetik jasoko duen diru laguntzaren ondorioz, alde biek izenpetuko duten deklarazio bat aurkeztu beharko da, energia zerbitzuaren kostuaren murrizketa adieraziz, eta haren gutxieneko kantitatea izango da EEEk ESEri emango dion diru laguntza ekonomikoarena.
- Eskaintza zehaztu eta xehea enpresa esleipendunaren aldetik. Dokumentu hau zehatza izango da sail ekonomiko ezberdinei dagokienez, eta diru laguntzaren eskatzaileak sinatu beharko du, dokumentua onartzen duen froga gisa. Ez da inolako aurrekonturik onartuko, baldin eta sail ekonomiko gehituak baditu, energia instalazioaren sail ekonomiko garrantzitsuenak bereiztea galaraztea ekar dezaketenak.

EEE Energiaren Euskal Erakundeak eskabidea aztertzeko, ebazpena prestatzeko eta diru laguntza emateko beharrezkotzat jotzen dituen informazioa eta agiri osagarriak eskatu ahal izango dizkio eskatzaileari.

9. EBAZPENA, KOMUNIKAZIOA ETA PUBLIZITATEA

Diru laguntza emateko prozedura edo ebazpena lehia edo konkurrentzia jarraitua izango da, eta, beraz, eskabideak aurkezten diren hurrenkeraren edo ordenaren arabera aztertu eta bideratuko dira espedienteak, eta modu egokian formulatuak eta beteak egongo diren heinean eta hurrenkeran bideratuko dira.

Eskabidea osatugabe edo akatsekin egongo balitz, hamar (10) egun balioduneko epea emango litzaioke eskatzaileari zuzentzeko, zuzentzeko bidaliko zaion idazkiaren bidez jakinarazia, diru laguntzaren eskatzaileak horren berri emateko jakinarazpena jasotzen duen egunetik kontaktzen hasita (39/2015 Legearen 68. artikulua). Ondorio horietarako, zuzenketa egingo den eguna joko da eskabidearen aurkezpen eguntzat.

Goraxeago aipatutako epean dokumentazioa aurkeztuz gero, eskabideari dagokion espedientea bideratzen edo tramitatzen jarraituko da. Epe horretan dokumentazioa aurkeztu ezean, eskabidea baztertu egingo da, aldez aurretik berariazko ebazpena emanez. Aurrekoa gorabehera, eskatzaileak beste eskabide bat aurkezteko eskubidea izango du. Nolanahi ere, 3. oinarrian zehazten den diru laguntza programaren iraunaldia kontuan hartu beharko da.

EEE Energiaren Euskal Erakundeko zuzendari nagusiak, sei (6) hilabeteko gehieneko epean, diru laguntza eskaera aurkezten den egunetik kontaktzen hasita, erabaki eta ebazpena emango du urriaren 1eko 39/2015 Legearen arabera, Herri Administrazioen Araubide Juridikoa eta Administrazio Prozedura Erkideaz diharduena (aurrerantzean **39/2015 Legea**).

Ebazpen horretan diru laguntza jasotzen duen proiektuaren irismena, diru laguntzaren zenbatekoa eta intereseko beste alderdi batzuk azalduko dira. Ebazpena eskaerari ezezkoa emateko bada, ordea, zioak edo argudioak azalduko dira.

Epe hori igaro ondoren eta berriazko ebazpenik jakinarazi ez bada, interesdunek onartutzat jo ahal izango dute beren diru laguntza eskaera, 39/2015 Legearen 24.1 artikuluan xedatzen denarekin bat etorritik.

Ebazpen horren kontra, prozedura administratiboari amaiera ematen diona, interesdunek hautazko birjartze errekurtsioa jar dezakete EEE Energiaren Euskal Erakundeko zuzendari nagusiaren aurrean hilabeteko epearen barruan, ebazpena jakinarazten den egunaren biharamunetik kontatzen hasita, edo bestela, zuzenean administrazioarekiko auzi errekurtsioa Bilbon dagokion epaitegian bi hilabeteko epean, ebazpena jakinarazten den egunaren biharamunetik kontatzen hasita. Hori guztia, 39/2015 Legearen 123. eta 124. artikuluek diotena betez eta uztailaren 13ko 29/1998 Legearen 46.1 artikuluekin bat etorritik; hain zuzen ere, Administrazioarekiko auzien jurisdikzioa arautzen duena (aurrerantzean **29/1998 Legea**).

Diru laguntza emateko orduan kontuan hartutako baldintzak aldatuz gero, betiere onuraduna izateko diru laguntzen araudiek ezartzen dituzten gutxienezko betekizunak babestuz, diru laguntza emateko ebazpena aldatzea ekar dezake (LGEen 19.4 artikulua eta 1/1997 Dekretu Legegilearen 49.2 artikulua).

Azkenik, 19/2013 Legeak dioenarekin bat etorritik, abenduaren 9koa, gardentasunari, informazio publikoa eskuratzeko bideari eta gobernu onari buruzkoa (aurrerantzean **19/2013 Legea**), Laguntza Programa hau amaitu eta gero, EEE Energiaren Euskal Erakundeak bere Gardentasun Atarian eta EHAAan argitaratuko ditu emango diren diru laguntzak; bertan, laguntzen zenbatekoa, helburua edo xedea eta onuradunak azalduko dira.

10. DIRU LAGUNTZAK ORDAINTZEA

EAEko Administrazio Orokorrek eta bere erakunde autonomiadunek zein EEEK emandako diru laguntzak itzultzeko dauzkaten elkarrekin, Laguntzen Programa honen izaera berekoak baldin badira, ezin izango dute laguntzen programa honek ematen duen diru laguntzarik jaso.

Horrelako kasuetan, aztertu egingo da itzuli beharreko diru laguntza zer egoeratan dagoen, borondatezko aldiaren edo bide betearazlean.

Aurkeztuko den proiektua edo azterlana bukatu ondoren, diru laguntza eskabidean azaldukoarekin bat etorritik, EEEK emango duen diru laguntzaren ordainketa, onuradunak horretarako adierazitako kontu korrontean egingo da. Hori egin aurretik, justifikatu beharreko dokumentazio guztia aurkeztu beharko da, diruz lagunduko jarduerak eta egindako gastuak egiaztatzeko.

Jarduerak justifikatzeko, honako dokumentu hauek aurkeztu beharko dira:

- **VI. eranskina.** Proiektua Amaitu eta Abian Jartzeko Komunikazioa. Horretaz gain, diru laguntza jasotzeko eskaria.
- **II. eranskina.** Aurkezten duen proiektu bera egiteko, beste administrazio edo erakunde publiko edo pribatu bati eskatutako edota emandako beste diru laguntzei buruzko deklarazioa edo adierazpena, **justifikazioaren egunean.**
Beste erakunde batzuek emandako beste diru laguntzei buruzko ebazpen positiboa(k) eduki baldin bad(it)u, haien kopiak aurkeztu beharko dira.
- **VII, eranskina.** Eskatzaileak araudia betetzearen inguruko deklarazioa, **justifikazioaren egunean.**

- Foru Ogasunean dagozkion ordainketak eginak dituela egiaztatzen duen egiaztagiri eguneratua.
- Gizarte Segurantzaren dagozkion ordainketak eginak dituela egiaztatzen duen egiaztagiri eguneratua.
- Egindako guztizko inbertsioaren faktura zehatza/k (jatorrizko kopiak), 2017ko urtarrilaren 1etik 2017ko abenduaren 31 bitartean data dutenak, eta enpresen kasuan, Oinarri hauek EHAA-n argitaratu ondoren, laguntzen programa honek ematen dituen diru laguntzak jasotzeko eskabidea aurkezten den egunaren biharamunetik 2017ko abenduaren 31ra.

Fakturak onuradunak berak jaulki behar ditu, Oinarri hauetako 2.1 atalean zehazten den bezala.

Proiekturen batek hamar (10) faktura baino gehiago jaulkitzea eskatuz gero, faktura horiekin batera, fakturen zerrenda zehatza den laburpen koadro bat aurkeztu beharko da, eta bertan, gutxienez, hornitzailea, data, faktura-zenbakia eta zerga oinarria azaldu behar dira.

Proiekturen batek obra-ziurtapenari lotutako fakturak jaulkitzea eskatuz gero, honako hau aurkeztu beharko da: 1) jaulkitako faktura-ziurtapen guztiak, 2) jaulkitako faktura-ziurtapen bakoitzari dagokion ziurtapen laburpen guztiak, eta 3) jaulkitako ziurtapen bakoitzarekin bat etorritako kontu-sail burutuen bilakaeraren zehaztasun guztiak (laburpena eta faktura).

Eskaeran adierazitako inbertsio osoa justifikatu ezean, azalpen justifikagarri laburra aurkeztu beharra dago.

- Instalazioa bere osotasunaren eta osagai nagusien kolorezko argazkiak.
- Instalazioa mantentzeko kontratu/konpromisoaren kopia.
- Instalazioa sarera konektatuta egonez gero, Behe Tentsioko Instalazio Elektrikoaren Ziurtagiriaren (CIBT.1) kopia, edo abian jarri izanaren aktaren kopia.

Goraxeago aipatutako dokumentazio hori aurkezteko azken eguna 2018ko urtarrilaren 15ean izango da. Nolanahi ere, dokumentazio justifikagarri guztia aurkezteko epea ez da inola ere luzatuko EEE Energiaren Euskal Erakundearen aldetik.

Aipatutako dokumentazio hori guztia jaso ondoren, aztertzeari ekingo zaio, eta behar bezala izanez gero, diru laguntza ordaintzeko izapideari hasiera emango dio EEEk, dagokion diru sarrera eginez.

Horrelako kasuren bar gertatuz gero:

- Eskatutako dokumentazio guztia ez da epearen barruan aurkezten.
- 2017ko urtarrilaren 1etik 2017ko abenduaren 31 bitartean, energia instalazioa egin dela eta dagokion fakturazioa ez dira egiaztatzen, eta enpresen kasuan, diru laguntza eskabidea aurkezten den egunaren biharamunetik, Laguntza Programa hau EHAA-n argitaratu eta gero, 2017ko abenduaren 31ra.
- Aurkeztutako dokumentazio justifikagarri guztia aztertu ondoren, hasieran amandako diru laguntzaren zenbatekoa txikiagoa izan behar dela edo ez zegokiola diru laguntza ematea.

Goiko hiru kasuetakoren bat gertatuz gero, EEEk diru laguntza alde edo osorik, kasu kasu, errebokatzeko espedienteari ekingo dio.

Aipatutako dokumentazio justifikagarri hori EEEren bulegoetan aurkeztuko da, edo posta zertifikatuaz bidaliko da honako helbide honetara:

EEE – Energiaren Euskal Erakundea

5020 Posta Kutxa
Bizkaia plaza eraikina
Urkixo zumarkalea, 36. 1. solairua
48011 Bilbo

Adierazi erreferentzia hau: **dagokion espediente zenbakia eta EKOIZPEN ELEKTRIKO BERRIZTAGARRIA 2017.**

11. IKUSKAPENAK

Diru laguntza emateko ebazpena eman ondoren, EEE Energiaren Euskal Erakundeak ikuskapen teknikoa “in situ” egin ahal izango du, eta bertan diruz lagundutako jardueraren zenbait argazki adierazgarri egingo dira, adierazitako inbertsioa burutu dela egiaztatzeko asmoz. Ikuskapena egingo zaien onuradunei alde aurretik idazki bat bidaliko zaie haren berri emateko. Ikuskapena egiteko jakinarazpena jasoko dutenek egiteko betebeharra izango dute, eta, beraz, EEEri egiten utzi beharko diote.

Jakinarazpena bidali ondorengo bi asteren barruan, EEE Energiaren Euskal Erakundeak onuradunari ikuskapen teknikoa edo ekonomikoa “in situ” egingo duela jakinarazi ondoren, adierazitako inbertsioa burutu dela egiaztatzeko asmoz, ezin izango balitz ikuskapena egin, EEEekin zerikusia ez duten arrazoiak tarteko, idatziz jakinaraziko zaio onuradunari hamabost (15) egun balioduneko epea izango duela beste hitzordu bat egiteko, ikuskapena egin ahal izateko. Hori egin ezean, EEEk diru laguntza alde edo erabat errebokatzeke ebazpena emateko espedientea abiaraziko du.

Ikuskapenean hartutako informazioa eskabidean aurkeztu den dokumentazioarekin kontrastatu ondoren, eta hasieran emandako diru laguntza kantitatea txikiagoa izan behar dela, edo ez dagokiola diru laguntzarik jasotzea ondorioztatuko balitz, EEEk diru laguntza alde edo erabat errebokatzeke espedientea egingo du eta, hala badagokio, zati bat edo kantitate osoa itzultzeko eskatuko luke, legezko beste bide batzuk hartzeko eta zigorrak aplikatzeko eskubideari uko egin gabe.

12. ONURADUNEN BETEBEHARRAK

Deialdi edo programa honen bitartez arautzen diren diru laguntzen onuradunek betebeharrak hauek izango dituzte:

- a. LGSen 14. eta 46. artikuluetan eta 1/1997 Dekretu Legegilearen 50.2. artikuluan xedatutakoak.
- b. Emandako diru laguntza onartzea. Laguntza programa honen arabera, diru laguntza eman zaiola jakinarazten dion agiria jaso eta hamabost (15) eguneko epean berariaz eta idatziz uko egiten ez badio onuradunak, onartu egin duela ulertuko da, deialdia honetan zein ebazpenean ezartzen diren baldintza ekonomikoek eta gainerakoek arabera.
- c. Diru laguntza zertarako eman zaion, horretarako erabiltzea.
- d. Kontrol Ekonomiko Bulegoari eta Kontu Publikoen Euskal Auzitegiari ematea eskatu ahal dioten informazio guztia; betiere programa honen diru laguntza hauek kontrolatzeko dituzten zereginei jarraiki.
- e. Helburu bera duen proiektua egiteari begira, beste administrazio, erakunde publiko edo pribatu bati eskatutako edota horiek emandako diru laguntzaren berri ematea EEE Energiaren Euskal Erakundeari.
- f. Garatuko den egitasmoen lotutako instalazioek indarrean dagoen legeria edota araudia zorroztasunez bete beharko dute, eta haien osagaiek dagokion erakunde eskumendunaren

homologazioa eduki beharko dute. Beraz, onuradunak onartzen du egitasmoak bete egingo duela aplikagarria izan dakioken legeriaren alderdi guztietatik: teknika, hirigintza eta gainerako ezaugarriak kontuan hartuta.

- g. Instalazioa jabetzan izatea eta funtzionamendu egokian edukitzea bost (5) urteko gutxieneko epean, EEEK diru laguntza ematen edo ordaintzen duen egunetik kontatzen hasita.

Kasu bereziren batean, aipatutako bost (5) urteko epea igaro aurretik, onuradunak diruz lagundutako instalazioak edota ekipoak hirugarren bati besterentzea erabakiz gero, azken honek onuraduna izateko dokumentu honetan eskatzen diren baldintzak bete behar ditu, saltzeko kontratu-agirian espresuki adierazi beharko du inbertsio hori EEEren 2017ko Elektrizitatea Ekoizteko Energia Berriztagarrien Instalazioetan Inbertsioak Sustatzeko Laguntzen Programaren laguntza jaso duela. Era berean, jabe berriak edo erosleak konpromisoa hartzen du diru laguntza eman zen helbururako erabiltzeko eta instalazioak funtzionamendu egokian edukitzeko EAEn, gutxienez, aipatutako epea bete arte. Horrela ez balitz, EEEK diru laguntza aldeztu edo osorik baliogabetzeko edo errebokatzeko espedientea irekitzeari ekingo lioke, kasuan kasu.

Nolanahi ere, besterentzea erabakiz gero, EEEri jakinarazi beharko lioke, kontratu-agiria sinatzen den egunetik hilabeteko epean gehienez ere.

- h. Diru laguntzaren helburua diren instalazioak eta/edo ekipoak besterentzen badira hirugarrenaren alde, diru laguntzaren onuradunak, hartzailearengandik diru laguntza eman zen helburua betetzeari begirako konpromisoa bereganatzeaz gainera, baita ezarritako epean zehar funtzionamendu egoera egokian edukitzeko ere, erosleak agindutakoa behar bezala betetzen ez badu, emandako diru laguntza itzultzeko betebeharra duela konpromisoa hartzen du.
- i. EEEK hala eskatzen baldin dio, onuradunak konpromisoa hartzen du lortutako emaitzen bilakaeraren berri emateko, baita haien dibulgazio lanak egiteko ere, bost (5) urteko epean, EEEK diru laguntza ematen duenetik kontatzen hasita.
- j. Diru laguntza ematearekin zerikusia duen edozein aldaketa objektiboa zein subjektiboaren berri ematea EEEri.
- k. Eman daitezkeen diru laguntza ondo erabiltzen dela egiaztatzeko, EEEK eska diezaiokeen informazio guztia emango du onuradunak.
- l. Diruz lagunduko den proiektuaren inguruan egin daitezkeen komunikazio edo sustapen ekintzetan onuradunaren aldetik, paperean, euskarri elektronikoan edo ikus-entzunezkoan, proiektuak EEEren 2017ko Elektrizitatea Ekoizteko Energia Berriztagarrien Instalazioetan Inbertsioak Sustatzeko Laguntzen Programaren diru laguntza jaso duela erreferentzia argia azaldu beharko da.

13. EZ BETETZEA ETA DIRUA ITZULTZEA

Jasotako diru laguntzak itzultzeari ekingo zaio eta dagozkion berandutze-interesak eskatuko zaizkio, diru laguntza ordaintzen zaion unetik edo egunetik itzulketa egiteko erabakia hartzen den data edo egunera arte, LGSen 37. artikuluan xedatutakoa betez. Itzulketa aldeztu edo partzialki egin beharko den kasuetan, aipatutako LGSen 37.2 artikuluan xedatutako graduazio irizpideak kontuan hartuko dira.

Deialdi edo programa honetan ezarritako eskakizunak, aplikatu daitezkeen gainontzeko arauak edo diru laguntza emateko ebazpenean jarritako baldintzak bete ezik, ez betetze espedientea ireki, eta diru laguntzak ezeztatu eta itzuli egin beharko litzaioke EEEri, berandutze-interesekin batera. Hori guztia, honako legeriak xedatutakoa betez: 1/1997 Dekretu Legegilean xedatutakoari jarraiki eta abenduaren 17ko 698/1991 Dekretuaren II. idazpurua, Euskal Autonomia Erkidegoko aurrekontuen kontura emandako diru laguntzen bermeei eta itzulketei buruzko araudi orokorra arautzen duena, eta kudeaketan parte hartzen duten erakunde laguntzaileek bete behar dituzten

eskakizunak, arautegia eta betebeharrak finkatzen dituen. Nolanahi ere, horrek ez du salbuesten bestelako zehapen eta lege-egintzetatik.

Errebokatzeko espedienteak hasarazteko eta ebazteko eskumena eta, hala dagokionean, emandako diru laguntza aldez edo osorik itzularazteko ebazpenena, EEEko zuzendari nagusiak du.

14. INFORMAZIO KLAUSULA ESKATZAILEEI

EEE Energiaren Euskal Erakundeak, Bizkaia plaza eraikinean, Urkixo zumarkalea, 36. 1. solairua, 48011 Bilbon, helbideratua dagoenak, hauxe jakinarazten dizu: zuk emandako datu pertsonalak, edo geroago eratuko direnak, EEE Energiaren Euskal Erakundearen ardurapean izango diren fitxategietan sartuko direla. Datu horiek zure eskabidea aztertu eta kudeatzeko erabiliko dira, eta hala badagokio, eskabide horretan eskatzen den diru laguntza ematekotan, horren ondorioz sor litezkeen harremanak bideratu eta gauzatzeko; betiere, aplikagarria izan daitekeen araudia betez.

Nolanahi ere, onuradunak datu horiek ikusteko, aldatzeko, ezabatzeko eta inori ematen ez uzteko eskubideak erabil ditzake, datu pertsonalak babesteko legeriak xedatutakoari jarraiki. Horretarako, goraxeago aipatzen den EEEren helbidera idazki bat bidali behar du, bertan nor den behar bezala egiaztatuz.

Aurrekoaz gain, onuradunak honako konpromiso hau hartzen du: eskabidearekin zerikusia duen edozein pertsona fisiko/juridikoren datu pertsonalak EEE Energiaren Euskal Erakundeari eman aurretik, pertsona fisiko/juridiko horri aurreko paragrafoetan azaltzen diren testuen edukiaren eta gainerako eskakizunen berri emateko. Horretaz gain, EEEri datu pertsonalak era zuzenean emateko aplikagarriak izan litezkeen araudi guztiak betetzeko konpromisoa hartzen du, EEEK bestelako jarduera gehigarri egin beharrik gabe. Era berean, EEEri emandako datuetan gerta litezkeen aldaketa edo ezabaketan berri emateko konpromisoa hartzen du.

15. AZKEN XEDAPENAK

1. EEEren erabakiak izaera administratiboa du, eta administrazioarekiko auzitegiei dagokie EEEK kudeatzen dituen diru laguntzekiko jurisdikzio-eskumena.
2. Laguntza Programa honek emandako diru laguntzari esker egiten diren instalazioen irudien erabilera egiteko eskubidea du EEEK.
3. Onuradunak aurkeztuko duen dokumentazioan edo informazioan egon daitezkeen akatsen eta/edo errakuntzen erantzukizuna harena baino ez da izango, baldin eta EEEK eman beharko duen diru laguntzaren kantitateari eragiten badio zuzenean, ez izapidetza edo tramitazio egokiari dagokionez. Horrexegatik, hain zuzen ere, diru laguntza ematen den unean kontuan hartzen den gastuaren eta gerta litekeen gehikuntzaren edo gastu errealaren arteko aldea ez da inola ere berrikusiko.
4. Oinarri hauetan aurreikusten edo jasotzen ez den guztietan honako hau beteko da:
 - 38/2003 Legea, azaroaren 17koa, Diru Laguntzei buruzko Lege Orokorra.
 - 887/2006 Errege Dekretua, uztailaren 21ekoa, Diru Laguntzei buruzko azaroaren 17ko 38/2003 Lege Orokorrari buruzko Arautegia onartzen duena.
 - 1/1997 Legegintza Dekretua, azaroaren 11koa, Euskadiko Ogasun Nagusiaren Antolarauei buruzko Legearen Testu Bategina onartzen duena.
 - Batzordearen 2014ko ekainaren 26ko UE 651/2014 Erregelamendua, zenbait diru laguntza mota barne-merkatuarekin bateragarriak jotzen dituen, Itunaren (DOUE 2014 L 187) 107. eta 108. artikuluen aplikazioaren ondorioz.
 - 39/2015 Legea, urriaren 1ekoa, Administrazio Publikoen Administrazio Prozedura Erkideaz diharduena.
 - 29/1998 Legea, uztailaren 13koa, Administrazioarekiko Auzien Jurisdikzioa arautzen duena.

ELEKTRIZITATEA EKOIZTEKO ENERGIA BERRIZTAGARRIEN INSTALAZIOETAN INBERTSIOAK SUSTATZEKO LAGUNTZEN PROGRAMA

- 2017. URTEA -

ERANSKINAK

- I.1 eranskina Diru laguntza eskabidea 2017. Eskatzailearen datuak
- I.2 eranskina Diru laguntza eskabidea 2017. Dokumentazio teknikoa-administratiboa
- II. eranskina Beste diru laguntza batzuei buruzko adierazpena
- III. eranskina Eskatzaileak araudiaren betetzearen inguruko deklarazioa
- IV. eranskina Enpresatzat hartzeko adierazpena, 651/2014 Erregelamendua
- V. eranskina Energia berriztagarriei buruzko dokumentazio teknikoa
- VI. eranskina Proiektua amaitu eta abian jartzeko komunikazioa
- VII. eranskina Eskatzaileak araudia betetzearen inguruko deklarazioa justifikazioaren egunean